

殿宴百官略中宴訖賜祿有差

〔三代實錄清四和〕貞觀二年閏十月廿三日己巳，勅從四位下行文章博士兼播磨權守菅原朝臣是善正

五位下守權左中辨兼行式部少輔大枝朝臣音人正五位下守右中辨藤原朝臣冬緒從五位上行大

學博士大春日朝臣雄繼從五位下守主計頭兼行木工權助算博士有宗宿禰益門等曰今年一章十

九年准據先例當有朔旦冬至而曆博士真野麻呂等所上曆日冬至在十一月二日若於經史有可進

退之理乎宜議而奏之是善等奏議曰謹案真野麻呂所執以爲依日分小餘不足不得合朔論之曆術

理若當然但案曆經注云月行遲疾曆則有大大小小以日行盈縮增損之云々當察加時早晚隨其所

近而進退之使不過大大小小其正月朔若有交加時正見者消息前後一兩月以定大小令虧在晦者

以此言之既有進退之理而今當年曆八月大九月小十月大閏十月小然則以一小小月爲大自得朔旦

冬至夫朔旦冬至者曆數之所始帝王之休祥既云避凶而在晦何不逐吉以退朔昔唐太宗貞觀十四

年有閏十月即得朔旦冬至太史令傅仁均以癸亥爲朔旦冬至而宣義郎李淳風案古曆分日以爲甲

子宜在朔旦詔下公卿及諸有識於是國子祭酒孔穎達等十有四人尚書八座請從淳風議有詔可之

雖然至於後年不見晷耀之愆爰知一日進退未足爲妨又尚書音釋云頻大消之案其意義每至章蔀

之歲必欲令得朔旦冬至故頻置大月至於三四夫三大三小者曆術之常法况今唯置二○二原作七據類聚國史

改大既得合朔乎又勅從五位下行曆博士兼備後介大春日朝臣真野麻呂外從五位下行陰陽助兼

權陰陽博士笠朝臣名高等曰今諸有識等僉議云今年可置朔旦冬至若依此說逐吉置朔者於後年

曆得節氣不錯謬歟真野麻呂等奏言謹檢術法無依吉進退之文仍今年不置朔旦冬至但依群臣議

置之可無望晦朔之差於是詔從是善等之議焉廿五日辛未宣詔百官及五畿七道諸國云今年

當有朔旦冬至而曆家偏依日分不足置於二日今稽之故實既有改定之理宜改閏小月爲大即以十

一月二日丁丑爲朔旦冬至十一月丁丑朔旦冬至○中略公卿上表賀朔旦冬至○中略是日帝御前殿